

KONKURS ZA DODJELU GRANTOVA 2011**1. Osnovne informacije o konkursu**

Međunarodna komisija za nestale osobe (ICMP) kroz Odjel za pravdu i inicijative civilnog društva (JCSI) objavljuje Konkurs za dodjelu grantova. Osnovni cilj je podržati projekte udruženja porodica nestalih osoba i nevladinih organizacija usmjerene na rješavanje pitanja nestalih osoba i ostvarivanja prava članova porodica nestalih osoba.

Uzimajući u obzir da je dugoročni cilj Odjela za pravdu i inicijative civilnog društva (JCSI), poticanje saradnje udruženja porodica nestalih i drugih aktera civilnog društva u procesu rješavanja pitanja nestalih osoba, prioritet konkursa za dodjelu grantova je finansiranje projektnih aktivnosti koje će biti implementirane u partnerstvu između udruženja porodica nestalih osoba i drugih nevladinih organizacija.

2. Ko se može prijaviti?

Pravno registrovana udruženja porodica osoba nestalih u periodu od 1991. do 1999. godine na području Bosne i Hercegovine, Crne Gore, Kosova, Hrvatske i Srbije, kao i pravno registrovane nevladine organizacije, i to kroz sljedeće partnerske odnose:

- Dva ili više pravno registrovana udruženja porodica nestalih koja predstavljaju različite etničke grupe;
- Udruženje/a porodica nestalih osoba i jedna ili više nevladina/e organizacija/e.

Prioritet će imati projekti u kojima su udruženja porodica nosioci projekta. To ni u kojem slučaju ne znači da NVO-i ne mogu dostavi prijedlog projekta u kojem su oni nosioci/aplikanti a udruženja porodica partneri.

Prijedlozi projekata udruženja porodica nestalih osoba i NVO-i koji trenutno implementiraju projekat financiran od strane ICMP-a, uzimat će se u razmatranje za nove grantove samo ukoliko završe sa implementacijom tekućih projekata i predaju finalni finacijski i narativni izvještaj do 31. decembra 2011.

3. Koje projektne aktivnosti će biti finansirane?

Predložene projektne aktivnosti trebaju biti usmjerene ka ostvarivanju sljedećih ciljeva:

a) Ostvarivanje prava preživjelih članova porodica nestalih osoba

(Aktivnosti koje mogu biti podržane, između ostalih su: javno zagovaranje kod nadležnih institucija vlasti za donošenje i/ili implementaciju zakona o nestalim osobama; monitoring i izvještavanje o implementaciji zakona o nestalim osobama; javno zagovaranje za donošenje dopuna/amandmana na zakone koji regulišu prava civilnih žrtava rata; javno zagovaranje za donošenje i implementaciju zakona o zaštiti svjedoka; razvoj mehanizama koji podržavaju praktičnu implementaciju „prava da se zna“ i dolaska do informacija o sudbinama nestalih osoba, kao što su veze ili kanali komunikacije udruženja porodica nestalih osoba, tužilaštava, sudskih patologa i sl.)

b) Podizanje svijesti, edukacija i umrežavanje

(Aktivnosti koje mogu biti podržane, između ostalih su: podizanje svijesti, obrazovanje i umrežavanje koje uključuje širu javnost, a posebno mlade o pitanjima tranzicijske pravde koji se

tiču nestalih osoba; podizanje svijesti među mladim znanstvenicima i akademikima u regiji i svijetu.)

c) Kreiranje univerzalnih modela komemoracija i sjećanja na žrtve

(Aktivnosti koje mogu biti podržane, između ostalih su: pokretanje dijaloga o kreiranju univerzalnih modela komemoracija i sjećanja na žrtve; istraživanje o i zagovaranje za domaće zakone koji se odnose na komemoraciju i memorijalizaciju nestalih osoba ; zajedničko obilježavanje međunarodno priznatih datuma koji se odnose na nestale osobe i ljudska prava, npr. Međunarodni dan nestalih osoba – 30. avgust, i Međunarodni dan ljudskih prava - 10. decembar.)

4. Vrste grantova

- **Projektni grantovi** – će biti odobreni za (su)finansiranje implementacije partnerskih projekata u trajanju od 4 do 6 mjeseci. Maksimalan iznos po grantu: 12.000 KM / 6.000 €.
- **Kratkoročne podrške** – se dodjeljuju za finansiranje partnerskih projektnih aktivnosti koje će biti implementirane u trajanju do jednog mjeseca (npr. okrugli stol, studijska posjeta, itd.) Maksimalan iznos po projektu kratkoročne podrške: 4.000 KM / 2.000 €. Projektni partneri kojima je već dodjeljen projektni grant ne mogu se prijaviti za kratkoročnu podršku kao vid dodatne finansijske podrške odobrenom projektu.

Podnosilac projekta može predati najviše dva prijedloga projekta za ovaj konkurs.

5. Šta se može finansirati kroz projektni grant?

Mjesečne naknade/honorar za po jednu osobu ispred nosioca projekta i partnerske/ih organizacije/a, troškovi implementacije projektnih aktivnosti (putni troškovi, smještaj, osvježenje, najam sale za sastanke, kopiranje materijala, konferencijski materijali, itd.) kao i kancelarijski troškovi i to: kancelarijski materijal, telefon, internet i poštarina.

Budući da je ICMP programski orijentisan na rad udruženja porodica nestalih osoba, kroz projektni grant se mogu finansirati i troškovi udruženja porodica nestalih osoba, kao što je zakupnina kancelarije.

Kancelarijski troškovi, zakupnina i mjesečne naknade/honorari ne bi trebali iznositi više od 20% od ukupnog budžeta.

6. Šta se može finansirati kroz kratkoročnu podršku?

Naknada/honorar za po jednu osobu iz partnerskih organizacija, kao i troškovi realizacije projektnih aktivnosti (putni troškovi, smještaj, osvježenje, najam sale za sastanke, kopiranje materijala) kao i troškovi poštarine i dio troškova komunikacije (telefon).

7. Šta se ne može finansirati?

Računovodstveni i drugi administrativni troškovi, kapitalna ulaganja (namještaj, oprema i vozila), adaptacija prostora, plate, izdavanje knjiga i socijalna ili humanitarna pomoć (hrana, lijekovi, odjeća itd.).

8. Proces odabira

Budući da ICMP prima veliki broj prijedloga projekata, projektni grantovi i kratkoročna podrška se dodjeljuju nakon detaljnog procesa odabira u skladu sa navedenim kriterijima. Komisiju za odabir čine predstavnici različitih odjela ICMP-a, kao i svi uposlenici Odjela za pravdu i inicijative civilnog društva.

9. Kako se prijaviti?

Konkurs za projektne grantove ostaje otvoren do **30. novembra 2011. godine.**

Prijave za kratkoročnu podršku se primaju tokom cijele godine, ali ih je potrebno dostaviti mjesec dana prije početka predloženih aktivnosti.

Popunjen obrazac za prijedlog projekta (preuzeti na www.ic-mp.org/documents) zajedno sa pratećom dokumentacijom, pošaljite:

- Elektronskom poštom na: jcsi.grants@ic-mp.org ili
- Poštom na: ICMP, Alipašina 45a, 71000, Sarajevo, Bosna i Hercegovina
(sa naznakom: Konkurs za dodjelu grantova)

10. Prateća dokumentacija

Pored popunjenog obrasca za prijedlog projekta potrebno je dostaviti sljedeću dokumentaciju:

- Kopiju registracije vašeg udruženja/organizacije;
- Statut udruženja/organizacije;
- Informacije o članstvu;
- Izjavu/e o partnerstvu (svaki partner treba da ispuni izjavu);
- Kopiju registracije vašeg/ih partnera na projektu.

Ukoliko je vaše/a udruženje/organizacija u prethodne dvije godine već dostavilo/a ICMP-u kopiju registracije i Statuta, iste ne trebate dostavljati ponovo.

Prijedlozi projekata mogu biti napisani na lokalnom ili engleskom jeziku.

Osnovni kriteriji:

- Projekti uključuju jednog ili više partnera;
- Projekti se bave rješavanjem prioriteta ovog konkursa za dodjelu grantova;
- Trajanje projekata nije kraće od 4, a nije duže od 6 mjeseci;
- Prilikom pisanja prijedloga projekta korišten je standardni obrazac i format budžeta;
- Prateća dokumentacija je dostavljena;
- Izjave o partnerstvu su potpisane, ovjerene i dostavljene;
- Prijedlozi za projektne grantove su dostavljeni do navedenog roka;
- Prijedlozi moraju sadržavati jasan opis očekivanih projektnih rezultata;
- Prijedlozi moraju pokazati kako projektni rezultati mogu biti samoodrživi nakon implementacije projekta.